

遺豪

内編

			二六二九	和書門
		七四	九號	類
七册	一架			

庫	文	閣	内	
二〇六		二六二九	和書	
函		七册	架	
			架	

詩集

内閣文庫	
番號	和 26299
冊數	7 (3)
函號	206 86



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



洲菴遺稿卷之三

內編

角鹿 僧參太玄著

溪羽 曇照心月輯校

淺草文庫

倡頌

奉壽法藏老翁和尚七十初度頌 并序

我法藏老翁。今茲壬申。乃七十矣。正月廿二日。在其初度之辰。諸法眷兄弟。相偕詣法藏壽翁。輒皆作頌。若文。各言爾志也。雍雍如也。熙熙如也。翁樂諸子為壽翁之前。退揖參而進之。曰。願聞參之志。參率爾而對曰。予小子。敢異乎諸子者之撰。夫人

洲菴遺稿

卷之三

三

之所欲富貴壽善。又大欲存焉。唯善莫所不欲也。富與貴。不以其道。非道於我方外也。齊浮雲已。若壽者。我有恒言。不生不滅。亦奚以為。姑少載緣影。而待盡四大。以養乃保。則不織衣。不耕食。為天下節用者。虛生徒壽。不如速朽之愈也。久矣。其唯虛生徒壽。不其然乎。大丈夫發願出家。行願以為己任者。衆生無邊。煩惱無盡。法門無量。佛道無上。無等等阿耨菩提。而上下非自行。則利他。乃至分身於法界。其毛孔奄有其國土。而後悲願無窮也。任重而道遠。欲罷末由。歿壽不貳窮日之力。從之而

奔馬山水。仍相為過隙。之不我借。或半途而廢。其不可以止也。即護惜遭遇之難。萬劫不返。若壽者緣影。行願以為己任者。於我乎。此以其道得之。亦莫所不欲也。以卒無窮。純而不已。則四大調和。壽量無疆。尚亦為願養哉。乃有壽愷如我翁。其於行願也。自吾曹之仰止。純而不已。以到乃今。造次必於是用舍。必於是進則行之。大造其績於南陽。退則藏之高尚。其事於法藏。今而後諸子者。之撰各言爾志。莫不揄揚得其詳焉。亦唯必於是。有之。凡翁之行願。堅固四弘資。而生之為光大者。彌老彌

固將卒無窮彌益純而不已永錫爾類鑽堅仰高
其亦使欲罷末由也吾曹之望翁但莫所不大欲
乎其莫所不欲也尚徵之其如仁必也有所祐哉
以予觀於翁即高尚其事於法藏猶未知非有隣
之啟之矣不敏請并頌而言吾志
億劫住持先法藏行願今日還成章緣影堪載無量
壽誰識身塵同本光

偶作

昨夜泥牛鬪入海今朝更無消息通撥波攪潮撈
覓鹽味分明鹹水中

奉壽長仙驚仙和尚六十初度

仙菴好向壽筵看青山不老白雲端滿目主顏黃若
劬纔說壽量隔層巒

賀源昌天寧長老安衆結制長老名

一道神光沒象形居然天地自寧清功名謝處主賓
合方見和融上下平

寶曆戊寅春從事永平席次祝

聖語

祥雲長覆籠玲瓏境致標宗福
大東但見家訓奉重至誰知金殿拱垂崇即今遠孫

山野攀例祝

壽且道見什麼奇特一朶檀烟雲橫長空幾許鶴影
聲斷月中

兼陽祖堂

荒臺苔滑淨無塵秘殿深閨鎖舊春獨有高蹤猿鶴
慣風光今古屬當人

永祖忌

賈舶賣買幾失錢眼橫鼻直羸滯貨自是兒孫終赤
貧忌齊至今欠些些些些更更要醕慈恩直須得家
散產破

本菴一世和尚忌香語

鷲峰山頂大仙翁垂髮若霜散晚風却是來時顏如
玉依佛寒影秦臺中菴內來日恭值傳續伽藍法系
第一世鷲仙任峯禪師大和尚示寂暮月之譚辰逆
卜今日且近日蔬齋一中聊陳報恩微悃即今仙老蛻
骨那處尋去奉供法堂地上不妨費功不借鋏子作
麼推窮良久云蒼天蒼天杜鵑啼徹他日淚觸體睫
爛血濺空

空印喝禪禪師應大檀侯請上堂奉呈法筵

高提空印剋不與大檀企羨意有餘今日分明為君

剖元脚勿論斯籀書

賀妙德智岳長老安衆結制

正中妙挾德克符。龙契謙光特不孤。賓主交參君自

見紫羅帳外撒真珠。

贈哲門禪人任首座

五十三參太無端。功勳未嫌容他瞞。纔逢妙德頓

接恰向福城東廟看。

次韻人詠開蓮

當頭未始帶枝蔓。直下撥開出水寒。不是祚公重指

的無端。誤認雙銀盤。

解夏別雲水兄弟

慵以鉢囊論去留。歸來欲從釣漁舟。倘向江畔求踪

跡。明月高擁蘆荻秋。

同前次韻日山

四儀暫接一僧堂。交態分明不遮藏。此去玄關無雜

塞。相隨來也好橫行。

不遷將弛包於武列泉林寺。喜而送行

鉢囊拈得彌天秋。挂向海隅澗八州。且喜白雲行色

好。家門舒卷占優游。

鼻祖忌用獨菴韻

隻履西歸曷怪來疑聞守見亦癡呆波心明月隨流
去無數秋光盈蚌胎

有麼有麼為喚來搏影認響還為呆普天匝地倘尋
遇一段真風超胞胎

斷臂日作常願之報走筆附楮尾

總為峻峭似少林一時誰信歲寒心獨餘孤標凌雲

色家私不掩永夜吟常願門前有凌雲松

武列元負禪人就予求法字適將歸鄉促之因

命曰大乾作頌祝焉

撥草瞻風惟勉旃善長事幹別無禪乾乾夕惕不終

已廓落大虛見大乾

附錄曰乾曰乾元亨利貞九三曰君子終日乾乾

夕惕若厲无咎文言曰元者善之長也貞者事之

幹也君子體仁足以長人貞固足以幹事君子行

此四德者今畧亨利故曰乾元亨利貞淵菴乃今舉命

子但求子之依若所言而若為勉而後至廓落大

虛見大乾要當長連牀上費死工夫更三十年乾

乾夕惕見自己如生冤家一旦方有觸目脫體撞

牆磕壁如高祖過水因緣之日始知予不子欺也

即所以祝而望也不爾今日懷土歸鄉飽食愁眠

曠棄光陰終作不可名狀漢使洲菴謬傳虛聲所未知也

送宗付禪人之關東

如絃大道接關東處處溪山雲月同到得歸來求別
智是音好一訪虛空

賀贈北溟首座

名下不虛化鵬祥垂天翼就卷榆枋自應世瑞迹難
掩何將鷄飛窺行藏

次韻和常願薦大愚和尚忌齋香語上

妙手何勞絃上音鸞膠堪續有琴心杜鵑啼送蒲園

怨回首千林曉月沈本韻廣陵一自絕清音天下無人知此心

早發柏崎浦欲求航而渡岸上俟人踟躕際邂

迤北俱長老者蓋十數年前之舊相識也喜

而話舊遂到直江矣

味跨船舷知是誰舊交纔敘岸先移山雲海月與君

見陳迹終無語盡時

闕省觀七年今秋始謁篠臯侍坐旬日即拜辭

呈而奉別

再來批拂白雲間滿目青山披主顏靚面呈底纔揖

別月巢鶴冲影彎彎

示台教僧義禪來訪

借問後生何名氏。義學禪觀存宗旨。還知祖上本通家。登涉許汝數孔李。

西筑玄棟座元十數年前。相暱東都久。濶至忘懷。其適有視事於永平之席次。過洲菴門前。

邂逅相見喜而賦贈送。山言或只與。

驀撥相逢知是誰。眼橫鼻直撥芝眉。却言祖室升堂去。觸著自親舊面皮。

次韻和妙德寺主元旦祝

聖慶讚

梵臺春熙襲休明。讚就香雲覆太清。山野不知韶獲美。從君拍手唱無生。

記卯夏安衆結制四月朔入寮人事口占

未入來門相見了。纔投曩分主賓親。莫嫌他山麈頰。礮磊珂相攻光彩新。

佛生會

解道唯我獨尊。誰知元來無禪。自全提祖令。後教人長憶雲門。雖然與麼佛事報恩。告朔餼羊不可不存。作麼生沃灌去。碧潭洗出千峯綠。率錢難足香湯盆。

庚辰歲旦祝

聖

朝朝長出扶桑暎

皇國禪風今古尊舉去揚來無變更千秋萬歲奉芹

暎

一世驚仙和尚三年忌

自此翁仙蛻去物象箇不遷倘論赤肉冷煖落華流

水前

除夕示衆

這頭今夜年窮身那畔明朝新歲人面上鼻山重摸

著雪拿松逕隔紅塵

辛巳元旦祝

聖

新年佛法騰貴一片塊樓勝酬不愜全提拈出春熙

禱祈

皇猷恭惟

今上皇帝聖壽萬安即今膺受春熙底嘉祥有甚奇

特拂一拂云絳幘鷄人報曉籌尚衣方進翠雲裘

即日示衆

索話云新年佛法騰貴多錢者縱善費有麼有麼

商量

沙卷遺和
卷之三
春熙扶桑日將昌新羅國裏僅升堂波斯濫吹散
槌鶯轉皇州眼處芳本店買賣分文不賒要知價限
麼一出一入字直千金

佛涅槃

娑羅林下眼中春綠深鶴影化工新鋪設雜華錦上
坐純陀妙供未全真指圖云許裏蹤由辨端的切忌
妙體認光塵

維春道種禪友久濶訪菴居卒然相見懽然道
故淹留情話大慰閒居遂談及北徼頃來禪
風殊異煽動適有見和病僧涅槃會之句因

用前韻道喜却贈

海月山雲各處春銅睛鐵眼面生新梵音得漸至佳
境鷗畔忘機伴采真

若州空印寺頃者復行僧堂古規往來之說有
是非矣今茲適有結千指僧夏而徵人乃差
心牛教入衆因廣月舟禪師之訓辭打一
律遣示之

事無大小叶清規脚下那迷今古岐獅子遊時非
徑丈夫向處絕狐疑玄關不貴老胡會日用還難百
姓知乍入叢林要自辨被衣得坐省威儀

書禪海十珍後與雄道象隣二禪離

禪海十珍盈龍王所護惜兒輩金翅離須下攀領下攬

仙流老禪與余久要深知其平生參熟精真軌

近稀見矣今冬任永建首衆喜頌而賀贈

洞門玄學崇動功表位兼偏職事雄却畔春忙駕玉

象渭濱秋靜報彤弓蟲文密印持分閫雪又不傷揮

割空共誅沈沈又夥侈元來未與汝盤同

至日默照普明呈偈偶押同三韻儻次和示

碩果食餘繫北辰群陰纔剝萌芽新此中機活知端

的火裏開蓮大如輪

涅槃會

無等無上大涅槃當頭一死不再活非滅現滅二千

年死孔明走生仲達雖然與麼別有不容欺陷計的

作畧幸得伸真法供養壽恩了且道作麼奇特昨夜

雨霧烹打倒蒲萄棚知事普請行僕拄撐

道種老禪自丹波再來見予冬至示衆沈思勸

辨不得不為之少抽機紐則次頌韻見和反

隅迫切僅得相明道喜却示

將謂根塵絕影響縱觀寫出逼全真衆僧七八汾陽

後且喜叢林猶有人

次韻和悅山禪客投宿見呈
到來驀撥通人事相見不論生面新欲問曩分何處
在威音劫外隔青春

石州報恩寺主孚仙禪師安衆結制頌而賀贈
未向佛邊為逗遛幾凌祖域結冤雖法空座上報恩
句撥亂乾坤無攸叙

賀大愚首座
潛行密用如愚魯相續大難君自覩未讓當仁奉輔
任衆儀表式主中主

佛生會

一夜落花雨滿城流水香澡浴生下佛鷺鷥翅池塘
顧視衆云請賚末後句衆擬開口揮拂云止惹來率
錢銅臭勿活却吾好盆湯

賀慧旭首座
旭首座 号披雲

旭日披雲曙九霄當中杲杲照無寥洞門獨有參歸
客功轉機回名位昭

壬午首夏將秦省先師老和尚僅裝束俄報訃
而到隔遠遼絕不及即取緋載馳詣祥室影
堂供養蔬齋舉一哀襄事

歸寧法化所生父徧身紅爛古堂傍隻眼金剛壞不

壞神彩射人襲羹牆

裏事而反正會百日忌齋權厝菴內香語

三年未淹擬免懷泣血十旬醜反哺子感萬荷那所

投為無瓜印搭一悟即今特為忌齋一堂且道為是

報謝為是辜負縱橫不禁兩行淚半恨君弓半思君

慧然首座乞偈

慧錐穎脫囊囊時光焰炎然閃電遲颺在照堂緘默

際箭鋒值處表衆儀

達祖忌重次獨菴集韻

不問西來及不來焚香如在甘為呆可憐逐氣尋臭

者濕化化投卵胎

二三子行乞送示

踈懶久拚樗散身楚音自濶當時人逐臭海畔何奇

好乞食村中太苦辛聲色莫懷鴆毒寡慳貪須護蜂

花仁家家石上解栽植檀信逆芽有脚春

道種老禪領天德之首板頌賀贈

長占洞家韶景暄道苗種草蘖靈根牧牛未犯燒癩

綠進步獨超解夏門用密機全芳不艷位回功轉貴

泯尊暮煙欲鎖東嶠外嫩色依君見價燉

達祖忌今分頌祖師西來意如菴主得西字以

代香語

直指單傳絕徑。踐六凡四生救群迷。獨餘葱嶺封狐跡。隻履綏綏又去西。顧視衆展手求責云。又去西誰擒生獲良久云。面目分明勞物色。七字新詩課功題。

石地藏點眼

諸法佛法時節。石頭有大小底。一層彫文喪淳恰畫。瓊于粟米。雖然與麼繪事。但涓後素風流。未_レ在赤體。

甲申元正祝

壽

萬古東方舊大邦。淳風刹界王浮幢。具瞻

皇極維新日。僅照西隣如帶江。容冬十一月今上即位 茲是

大東百代之美。山童牧豎觀國光。猶能言即今五始

令辰。稱揚

聖壽。一句作麼道。彩鳳舞風。銀漢曉祥雲。半蓋紫微

宮。

即日人事口號

誰勞燮調和。羲賢春熙幽仄迎。堯年山翁不識純綿。煖閑坐先頌。負日暄。諸德相隨喫糲甘。辛不可謂非。沮溺之耦。請和擊壤。

送示默照赴參加列大乘寺

春風相送鉢囊輕熱喝叫驚枝上鷲柳巷花街留不
正鷲過牆外逐邊聲
逐臭海上許多年未信遼天鼻孔穿試向東香山下
見木犀熟與麝臍羶

佛涅槃

佛滅一何速頓超越三祇切忌裂眼毗閃電八刻遲
雖然與麼非滅現滅論來久齊刻旣識劍量象作麼
生分渚訛但見青山常運步誰知白石夜生兒

先師和尚三年忌

凶音憶昔驚雷蟄奄忽三年如一日箇裏物論遷不

遷那知夜壑藏舟密藏密處莫造作作麼得貌真儀
舉忌齋良久云機絲不掛梭頭事文彩縱橫意自殊

賀贈實應首座

名實之實喚即應乃今參飽謝閑稱借來功位嘗相
明明月堂前鷲乳孕

佛生會

唯獨自尊誇獅吼誰知杓柄在他手鷲頭一灌解來
由正見渾身鑄塵垢諸德且道洲菴灌佛為是褒為
是貶良久云貼肉汗衫如未脫難教赤體顯風流

法藏師翁乃歲甫八十矣於八月廿二日兄弟

聚會秦壽初度僧參疾留滯京師不能即預
慶筵至初冬乃起趨庭則採兄弟慶讚諸什
見擲示因續貂拙偈以効不敏

幾從海鷗佛澄機人間指馬泯是非古來如斯稀齒
德長仰朱顏咫尺不違

驀地挨開法寶藏群言如玉斐成章乃翁不識價多
少笑輓綉毬打壽量

本菴一世鷲仙和尚七年忌

鷲峰山頂大仙心竺土蜻洲古又今一瞬看過寂滅
海闊浮六七過光陰不見道淨法界身本無出沒大

悲願力示現去來即今不涉出沒去來莊嚴齋筵底
一著作麼相應月中玉兔夜懷胎日裏金烏朝抱卵

賀勝載山永嚴寺主傳東和尚安衆結制

永年嚴飾寶王刹天啓奇勝覆載濶君謂西來祖道
傳恰佳人境宰與奪

宗付禪人分携十年今秋訪菴居因伴間寂過

冬則和病僧立春之作見呈喜其邂逅相慰
遂次前韻再和却示如楚音之句適有憶不

愆前日送別之期云爾

十載忽忽別楚音躡久期叢林幽嫩桂却外秀靈枝

伐木投間好。遷鶯覘咎遲。親交與不徒。僧社喜雍熙。

題扇面

風性元常住。分明拂面來。受用任縛脫。快哉勝蘭臺。

乙酉歲旦上殿祝

聖殿司採松竹梅及椿枝水仙插一瓶供養視

之皆壽朋之類也卒口占代香語姑因常住

物報

國息也

祖庭春色入

皇圖老樹梅花開。劫壺非獨羅浮抽玉骨。恰逢姑射

闢清臞。如苞朋壽韻難弟椿叟卜隣德不孤更有仙

官級水弱金盞銀盃勝屠蘓

即日人事欲說口号揮拂曰山僧有即事口号

忍忘良久擬思不獲云粥罷相委乃止退而

援筆得一偈

山僧有即事口号揮拂忍忘還較些欲說欲聽瞪相

對青天白日兩差過

同前即事口号

篆香守歲接三元清静世占鳥跡敦鵬際雲移蒼昊

曙皇城燎晰瑞烟屯鶉居安竊畦衣福龍集登崇哀

職尊自有壽量資覺道。當呼唱起，醉荇暄。

遣示心月座元

福城東廟指南臂。三折相誑，試別智歸去。蘭庭長異苗。價燉那嘗預人事。

重陽分。凭欄一笑菊花開。教頌即事。今茲閏季。冬節前後。却菊未著。花得花字。道見境。

弟兄不異野僧家。相覩破顏擁結。跣微笑東籬。隱君子。踈慵臭味。未拈花。

至日示衆

雪催曉天晴。長空窮谷陰。陽有變通。莫道一條白練。

去玉線錦繡見勳功。

同日次韻和宗付禪人呈偈

帝力何知堯舜民。踈親僅動渚。彝倫著衣喫飯足。温飽復古來。今恰好辰。

和心牛

消息分明送二光。光中有路非陰陽。泥牛將謂沒皮骨。撈撻誰窮大海量。

和黠胤

傾蓋相投白首身。終年峭絕却如新。誰知皮裏陽秋密。皴面折開南至辰。

識祖庭了柏信士率堵婆

的意明明祖庭柏超人越境聳面前雕成率堵資報
士敢保拙手餘半邊

乙酉永祖忌隔宿大夜衆請茶話再舉委悉予

翫月拈提因記祖師在日會於月前各頌月

乃垂語云此月非心月非天月非昨日非夜

月非圓月非尖月想像是秋月也如何更說

偈成三韻正晨半齋就真筵對揚一番遂賡

嚴韻代香語供養

月輪普現百川流非一非多觸目秋將謂江西三四

箇正與麼處更悠悠

丙戌上元羅漢供罷垂語

吉祥曩日供兼珍彫像繪影齊現真蔬饌吾今絕捏

怪賴無手眼攫傍人雖然與麼事不虛舉信不妄明

今日應供作麼證據良久低頭合掌云處世界如虛

空如蓮華不著水心清淨超於彼替首禮無上尊南

無自他法界平等利益

丙戌佛涅槃

二月河邊柳色黃山華如錦織成章雙林喚作純陀

佛勿壓端真為不颺西施蒙不潔不得不掩鼻境智

涉塵相誰能無。昧目所以道。貼肉汗衫若。昧脫難令。赤體露風流。觸自現前。脫體無礙。你麼生得透流。良久云誰從普賢道場來。天帝堂前珠網開。

悟白上座領曹山前堂選舉

將謂悟由玄尚。白羸來且喜措間田。解嘲摘藻滿堂。客甲科須還選佛賢。

丙戌成道會

六年端坐一朝正覺。起頓越漸兩端明白。良久云欲免謗正法輪。慎莫意根下卜度。

斷臂會

斷臂安心。截頭求活身。其餘幾半癡半黯。雖不足為苦毒辛。粹能有為者。不如此。惛心心相投。若弦銜。了了常知。似水解渴。垂統綿綿。譬諸瓜瓞。本支百世。靈根豁達。庇蔭酬恩。身體堪割。述德颺舌。事亦迂濶。禮拜位立。達本學末。雖然如此。谿毛巖茗。何以明信。叢林雍徹。幸有韻協。壹偈三歎。依禮和念。顧行者十方三世一切佛。諸尊菩薩摩訶薩。摩訶般若波羅密。佛薩密。叶昌末。

送心牛徧參北徼諸叢

芳草綠楊春可憐。鼻繩未肯耕。間田慙慙處處溪頭。

飲試見幾逢洗耳賢。

早參僧進問如何是獅子吼。主顧障外云雨滴。聲僧佇立無語參罷示偈云。

如何是獅子吼。雨滴聲有何窮。聞得與聞不得當。當如啞如聾。

戊子元旦人事口号

莫怪新年有佛法。當觀時節是因緣。一非玉骨沍寒徹。爭得金衣幽谷遷。像伐盤冰鑄破鏡。光生池磔成磨。孰但知草色。逐機嫌誰會。花葩落愛纏。

法衣供養報恩頌

正月廿日。吾邦洞門一派為祝法衣。資之日。預設。資正且供養各自傳法衣。至期受胙烹煮也。古來傳。彌永祖入宋。傳法歸東。以宋土寶慶三年丁亥之冬。解纜海中。黑風險浪。殆為危急。越明年。

皇朝安貞二年戊子春正月廿日。至肥後州河尻之港。祖師喜而賀慶。得法全大命而至。即於斯日。設資供養。天童所傳之法衣。後遂禁例。講嘉禮也。今茲明和戊子。適相襲干支。講禮之次。不勝感遇。為二三子。說話因緣。相課令作報恩之頌。自己乃衝口成一律。

一葦歸抗險浪危人天命脈急懸絲正宗厄啓東漸
運大任勲勤命世師魚眼射波溟渤裏扶桑如襪日
昇時按流達岸為聖德寓內到今受賜施

戊子佛生會

杜若一池香鼻觀馥盆湯箇裏知所在澡浴明金章
雖然與麼知是妄覺不知是無記作麼豁達不疑地
退骨龍能將雨去蛻鱗鯤復得風翔郢人斲盡蠅泥
也方見元初鼻孔光

心牛薦考德峰宗順居士忌辰設菜供香語

德順孝宗見典刑錫類不匱毀童形發真不獨棄息

報更薦溪毛明信片馨

己丑新歲之作

空門廣且大容此濫吹身躑躅行願踈荏苒日月頻
四星終又始百年半已臻世謂之知命孰望吾陳人
衲衣徒田相綴鉢免甑塵形役終無溷活計殊不貧
更期檢蹇劣行乞有脚春

示超然居士

優婆塞超然謁林下問禪退而顧其私營生餘暇
投閑打坐修省從而請余為說似用心箴規不逮
嘉其塵中淨信坐儀恰得泥蟠相似其但時節因

緣全體昭著。要欲無自怪。真龍飛騰也。因爲高祖
坐禪箴一本。使表揭照。顧坐右。蓋秦鏡當臺。蘊處
界畔。千妖百怪。欲無逃。開影也。繫以蕪辭。作述贊
云。

水天一色。非虛碧。莫捉行飛。認羽鱗。論極濠梁游泳
活。意忘影底。遺蹤真。縱觀寫出。箴摸象。鑑覺澄明。羞
炤秦。如是要機。自受用。蟠龍睡穩。起泥塵。

寄贈默堂老禪首衆於青原山

默默堂堂古表儀。元知上首選場。推活埋收攝機先。
眼大地撮來窄。卓錫。

為柴田氏常樂齋善肯玄基居士淨宜室回心

智清大姊授說大戒

諸惡莫作。衆善行。常樂我淨。是佛戒。即今回心。向大
乘。一起直入。毘盧界。

鮭延居士。見訃孺人之喪。索居遼絕。吊臨皆不
及。爲悼殊深。沈水一炷。附便聊致舊館之哀。
從以二絕。一薦淑靈代奠辭。一慰居士以誘
鼓缶。蓋希緣覺也。

操作幾年伴。固窮高儀。忽戢丈夫風。變成爲薦無生
曲。非復乃家鼓缶同。

鑿國自持三折功。經舟何謂逃閨中。可知世相長如
此。淨樂堪與我無窮。

壽仙遷長老。季夏六月發羽州。至丹波省問師。

翁經杪秋歸路。循北陸。因顧菴居。訪病牀。得

信宿。久濶罄懽喜而賦贈。

飛錫彌天凌鑠金。三旋函丈下山陰。更遵北渚伴羸

鶴。萬境探幽罄宿心。

宗付禪人請山僧定字號。之曰密堂。打偈示機

要。

東土二三西四七。心宗相付。退藏密譬如寶鏡。正當

臺返照回光始入室。

備中列雲居瑞鳳禪師。百里見命駕。兼嗣我一世掃塔也

留滯數日。適以端午日歸。發賦即事。秦送行。

德隣遠絕。嘆孤貧邂逅相逢。吊古晨無奈。君翔千仞

去。離憂黯淡滿江濱。

菴居佛殿始置長恒香燈。以明和改元孟秋七

月朔。裝點陳供養。

大明和光之元資。清秋生明之良晨。挑起法燈耀長

時。苟日新。又日日新。更有香篆應副。還見較些道理。

字義聯綿。縝斯奇。熏修長養。五分身。

題普勸坐禪儀後投示柴田居士

佛祖正傳正法眼。超過蘊界示行儀。出塵在俗有麼否。普勸無遮見大慈。

先師聞老和尚忌

一瞬七年白駒過隙。高風難追失履認跡。即今薄薦作麼尋繹似付鹽梅。巖叟用和羹無復見醎酸。

問柴良輔禁錮偈三首并序

游良輔之家信宿靜話三日夜。龙捉右携隨緣誘達。而旁至咨詢世諦窮通。應變用心。則偶記憶獨菴集中因事有感三首詠述。維摩經障是菩提障。

諸願故之文。乃并叙事說破一番。良輔恰如唯唯。反隅仍勸勉以書紳銘心。充羣弦照顧而歸菴。僅五日。俄而官有誅責。良輔禁錮其家。蓋有所冤。雖則非其罪。病僧為一愕然。久之如何前話。好言自口。莠言自口。今而相為識之。有如斯甚者。邪而後靜言念之。即是獨菴所謂嗚呼世相轉變如夏雲之無定形。而倏忽千變萬化。如夢境之紛然。不可端倪。欲取之則無可取。欲捨之則無可捨。但似為我輩靜觀之資。為有志者設因緣矣。亦惟為良輔計之方。知東西南北咸南方。而順逆好醜吉凶禍

福悉皆善知識所住處今日正良輔百城徧參之
秋也而實參實證大勝於病僧疇昔之空談假說
不妙之又妙乎因鄙才忘醜陋效顰佳體倩盼率
爾走筆擲示要之親詮切諭使良輔於是寵辱不
驚淑慝併吞而忍受茲苦毒如飲甘露則病僧轉
問禁錮無聊之好饋亦那得不以太宰醜翻而享
乎。

障是菩提障願故譬如藥理回元陽瞑眩一旦解能
毒過絕美疾資砒霜
障是菩提譬汝田誰言茶苦甘如齋鑠金旱魃經殺

警稔熟始叔黃粒米

障是菩提真實言言鋒將謂銳空理今朝痛割肌膚
砒勝老僧疇昔切靡

達祖忌

皇儲南天初祖東國只寧老胡疣贅日域無禪無鬚
不直鷄肋撥問義諦又云不識不識不知為物作則
曾無功德百世祀食

送宗付禪人歸豐城

豐城歸去豐饒鄉盡地撮來稔稻梁參飽未咬破一
粒那須相送說休糧

舊國豐城歸問安送論氣象紫霄寒獄中龍劍今猶
在直截根源奈怎看

乙酉秋日奉謁吉祥林下也令嗣良鈞座元維
夏領首衆於武野松月院之會竣事省觀選
迨相會喜聞選舉頌而贈

鷄飛攀附吉祥林龍鳳器成擇蔭深自有生獐群首
客乾乾述德續徽音

乙酉成道會

六年端坐攝心身寒灰槁木休比倫類不齊混則知
處雪覆老梅芳艷新

斷臂會

西來祖道尚行持無知解他瞞自欺信道安心不可
得抱賊叫屈吼如獅

永祖忌修薦唱禮法法語

淨業秉持三密印證契分明超諸塵祖翁片地味荒
穢今日折券酬忌辰宣白底恁麼不見祖師道本用
現前當眼新雖然恁麼曷呈真至這裡且道密印作
甚形放出篆文見一拂云衡嶽迎秋翡翠瘦瀟湘漾
風瑠璃鼓

達祖忌

卷之三

幸字脚羅遮石上種油麻要知隱識翠竹及黃花
叵耐老作家可笑小釋迦王茂弘闌奢說破不較些

送示亨玄禪者歸鈴鹿山送示亨玄禪者歸鈴鹿山
芳歇叢林蕪祖風愁聞鳴鳩送歸忽山中鈴鐸今猶

在家訓先聲徇海東
開山善應和尚忘開山善應和尚忘

堪笑挿草拙孫謀相呼添鉢日嘎嗑且道微供善應
誰巖桂撲鼻不充喫

永福老和尚僑京戊子冬所寓坐建仁子院西
來一寄起居於驛便會以達祖忌得報信而

兼以下新刊入道四行觀聞解頌賜感遇不得

自己再報侍者藉口陳謝

西來新誨西來訓開帙自疑瘞履辰非是日東長垂
迹誰傳法寶辨家珍

示道英居士

道英居士之家藏復古卍老遺墨余訪而觀之師

再到南陽寺見床頭掛幅即次於長慶稜道者不
問答對話智門祚頌古韻之一偈也卍老遺墨可

想見光範話頭因緣可策進鈍滯南陽舊物亦眷
戀青氈請居士而欲他書畫以行壁假居士云不

要薄代一轉語任取去矣余笑而謂所云庶棄夜
光而珍襲燕石居士不亦愚乎遂又次芳韻記即
事而別云

官知無涯未解休徇名翫物日纏頭譬諸故紙吾輸
汝交臂得喪疾如流

亨玄禪人從病僧請法字來歲將首衆於羽列

龍門寺來而促之因命以道微打偈道用心

參須實參貴性誠位回功轉方閑名却來名實相實
去及盡玄微安節亨

達祖忌

何如是西來祖意要知始看取末頭却言隻履過嶺
去黃河原來濁源頭即今作麼勘辨雁影沈寒水蘆
花隱白牛須知耕釣外穩密類難收

酬玉泉鏡堂禪師見寄

玉泉鏡堂兄和尚東下而十數年阻隔數百里會
面未由時音書一恃水雲之寄多不能護洪喬達
也寤寐思服日甚一日頃者因便信送空所摹刻
之金剛經塔則披顏於少日同眼之舊青氈偈讚
以見賜示隨喜而輒展開跪讀病懷亦未嘗不恍
然乎如親聆教誨披瀝相傾悲喜一至矣遂賡響

伐木和而奉酬

影迹滯留天一方。幾撈水月。胡容光。講張佛事。君無厭夢。裏魂交舊道場。

漱玉泉聲應自珍。暗投報李。砭頑巖。放光但為自他。遠觀照字輪。實相新。

瑞峰覺公和尚住山今且二十年。稽開堂而不

務速說家私矣。今夏壬辰。適會檀主。度大事

于高祖妣開基禪尼之祧。應眾請。一舉曠典。

蓋稱山門增輝也。遠兼嘉告。頌而陳法喜。

大聲將謂本希音。久默如雷。即而今。檀越猶知藻鑿。

劭靈山嘉會蔚陰森

永福老和尚滅後。舊盟飛散如雨。情話無尋德

隣。朕孤薄俗。頽風煩囂。見聞病懷。茅塞思念

寔音久矣。適會天產長老自京師。特扣聞寂

信宿陶寫。一快激昂。殆愈病悶。道喜而贈

親炙幾薰天樹。主逆風千古。欽遺芳典。刑獨有一枝

秀。共說桂林嫩色。昌

画手石鹿鳴。近日能寫華樣。倩令掃雨竹風松

圖。甚得氣韻。殆覺洗病耳。援筆而題

雨竹風松說般若。眼處聞聲到彼岸。画土不學梵偈

陀毫端發揮二十萬

卜居 此下丹波菴居之作附錄

卜無所住居偶遣會心處明月與白雲自隨色相去

賀日山首象城之神應寺之會

詢參行盡蜻蜓洲坐斷半邊慈氏樓歷劫普觀修證

事書磨塵刹幾時休

酬心月見和近作

方方仍十笏痼疾卧烟霞但坐無復問不教恩毘耶

右卜居

誰知如是經偶語隨緣說惟為至窟中復學他家結

右讀經

寄心月

心月之考清山良香居士以往歲庚午物故余爾

時索居而在鄉里賻弔皆不及闕然於懷者以涉

日奄而今年十月十九日小祥乃至余適菴居與

心月蜜邇焉但其懸罄又無一介之助以襄事矣

不腆線香一束聊取而從有無尚耻志之無從也

假蕪辭藉手云

久知割愛報真息纔戢幻身違九原但當衣珠輝淨

土無為鮫淚濕陳根

沈老遺稿卷之三

卧隱五首

避世未終深無人稱嘉遁
愁眠覺還眠卧隱似漸遠
堅卧一飢來盱食仍茵蓐
方其飽睡時誰能驚寵辱
間行稍罷去右脇卧庭陰
時一驚松籟响軒激瓦音
避喧笑鬱頭誰解山中事
搖落與秋颯愁眠數不寐
尺壁真非寶寸陰只足貪
誰益三冬月終我夢遊婉

沈老遺稿卷之三終

